

皇明史竊

皇明史竊卷之第二十六

郭吳其康耿楊薛列傳第四

東莞尹守衡著

郭英者濠人也英父山甫好相人太祖微時過山甫山甫見太祖大驚異厚具飲食待太祖意甚懼酒酣踞而請曰公天表異常他日貴不可言幸毋相忘也太祖辭謝去山甫語諸子曰吾視若曹皆非田舍郎往往可封侯今始知皆以此公若曹謹事之毋失相其女亦大貴予太祖侍巾櫛英山甫季子也身長七尺膂力絕人山甫仲子子興亦有膂力善騎射太祖當在滁王甥館英

兄弟皆事太祖直宿帳中英年時十八太祖常以郭四  
呼英太祖自出征伐英兄弟皆護從英金瘡遍體征無  
錫傷脇腋常熟傷足攻安慶傷臂攻高郵弩傷右膝從  
戰鄱陽有瘡尚未瘳英力疾戰益勵子興請用火攻漢  
軍漢軍以是大敗友諒啓窓顧視子興遽射之矢貫其  
顙而斃或云英功太祖問之英曰主上天威誅殛臣何  
力焉從攻陳理武昌門于保安門傷手足理驍將陳金  
同手槩馳入中軍帳太祖方坐胡牀急呼英曰郭四爲  
吾殺賊英奮臂一呼賊墮戈下太祖解身上赤戰袍衣

之曰唐尉遲敬德不汝過也漢臧授驍騎衛千戶子顯  
陞鷹揚衛指揮使從克安重陞宣武將軍指揮僉事  
九年破姑蘇獨子興自將一軍從陞鎮國上將軍僉大  
都督府事大將軍北定中原子興留守河南馮宗異拔  
潼關請守將于大將軍大將軍曰亡如子興者復徙子  
興潼關子興搃塞固守秦師不敢東大將軍還取元都  
下晉冀子興復自潼關徙守鞏昌洪武三年大封功臣  
子興論功先封鞏昌侯食祿千五百石時英亦累功已  
陞驍騎衛指揮使明年進階驍騎將軍出爲河南都指

揮使鎮守河南上寧妃英女弟也遺錢之第且謂英素清儉賜白金二十罌廐馬二十疋出鎮五年復移北平又四年召還進大都督府僉事從征雲南所降下諸路州縣山寨爲多還封武定侯食祿二千五百石予世券克靖海將軍出鎮遼東二十年從宋國公討納哈出納哈出降英爲清虜所襲傷左右脇二十一年克征虜右副將軍同永昌侯七將軍出討北虜至捕魚兒海手斬蠻子太尉獲兩管金玉珍寶圖書甚衆賜白金千兩鈔八百錠綵幣四十匹明年賜勅遣還鄉亡何上念春秋

高以英忠謹可倚重召還統禁兵二十四年與額國公  
追兀虜遼王阿札失里北至黑松林三十年掛征西將  
軍印討川陝叛寇是時英年六十餘矣從上起兵大小  
百餘戰金瘡陰雨痛甚每奉征討即老且疾聞命即行  
事上四十餘年小心無過上嘗賜坐便殿適有奏事者  
英避席上曰卿第坐朕自治事不汝關也上初起濠英  
兄弟皆謹事上上亦善視之而英最親幸事上又最久  
子興先以洪武十六年卒贈陝國公謚宣武建文初英  
之同時老將皆物故惟英與耿炳文兩人獨存嘗與炳

文出禦靖難兵敗還文皇入國罷歸第永樂元年二月  
卒贈營國公諡武襄上贈山甫亦如英爵英有弟德成  
事上爲驍騎舍人自有傳寧妃少協高后肇家和后朋  
攝掌六宮英子男十二人長鎮駙馬都尉尚永嘉公主  
卒停襲次銘遼王府典寶鏞中軍都督府右都督鑑中  
都副晉守鑰散騎舍人鉦尚寶司永鈐旗手衛指揮使  
女九人二爲遼郅二王妃孫男二十有八人孫女長爲  
仁宗貴妃次以貴妃弟得嗣侯銘子也宣德中珙署宗  
人府奪民田廬上宥之罪其奴十年永嘉公主乞以鎮

子珍嗣侯英宗念珍本英適孫與錦衣衛指揮僉事已而弘聰與珍爭並停嗣上亦與聰官與珍同天順元年恩詔嗣侯諸大臣言英適長子孫昌宜嗣昌珍長子也聰又與昌爭上許昌嗣五年昌卒子良優給成化四年聰又言良非昌子停良嗣與指揮僉事錦衣已而良屢乞嗣并奪指揮閑住弘治二年良又乞嗣下刑部獄三年復良指揮僉事已而郭宗人共乞擇英諸孫一人嗣侯下廷議皆言良本英適玄孫上許良嗣正德二十年卒子勛嗣世宗入國勛會議大禮上用爲團營總兵



加保傳勛特寵驕橫嘉靖八年大學士楊一清諷御史  
王堂論劾奪保傳罷歸第九年大學士張孚敬薦督師  
王復保傳十六年勛乞以祖英侑享太廟下禮官議不  
可戶部侍郎唐胄上言廟祀諸臣位次且不可易况有  
無之額敢增損乎勛言往年祀基以文臣故舉朝翕然  
臣祖武臣故忌者紛紛上是勛言命英從祀而基以伯  
爵位英上上不悅曰何上基而下英也命以爵序於是  
英位黔寧王下永義侯上而基列末義侯下十八年扈  
駕巡承天進封翊國公勛慙直好指斥人皆惡之族

科臣論劾下詔獄已而劾語不遜上大怒工科給事中  
高時遂盡劾奸利事劾行五萬金略署司指揮孫綱  
簿錄微事具獄上移囚法司諸大臣會鞫論死留中劾  
瘦死獄中子守乾嗣侯

吳良者定遠人也本名國興賜名良太祖起良與弟禎  
事太祖爲帳前先鋒禎本名國寶賜名禎太祖之既有  
江東良爲鎮撫守卅陽是時張士誠據姑蘇良與常春  
分院判官趙繼祖下江陰太祖於是又以良爲分院判  
徙守江陰江陰距姑蘇僅百里太祖諭之曰江陰我東

南之屏蔽汝將士不可令有境外之交毋納逋逃毋爭  
小利汝但保境安民內姦無出外姦無入汝功莫有過  
於此者矣復以禎爲天興右翼副元帥將兵千人佐良  
良在鎮高城深隍警備詰奸張氏大率艤艫入寇兄弟  
戮力破走之未幾又逼常州良又遣兵間道殲其後距  
兵無錫自是吳人不敢汙大江上金焦太祖召見勞曰  
吳院判保障一方使吾無東顧憂此大功車馬珠玉不  
足旌其勞命儒臣爲詩又褒異焉又其後吳師復出馬  
獸沙侵鎮江太祖親督大軍浮江下吳師夜遁追至巫

子門良出夾擊大破之獲士卒二千人太祖因幸江陰  
見良防禦多謨略謂曰汝非昔日之吳起乎哂歎久之  
當是時耿炳文守長興湯和守常州李文忠守嚴州良  
守江陰四人共相犄角捍蔽吳人十年間大軍屢出東  
藩無警太祖以是得以肆力殲漢而吳其寢處之矣丁  
未吳平上又徙良姑蘇授禎征南副將軍從御史大夫  
湯和降定方國珍航海下福州破延平執陳友定洪武  
三年大封功臣良封江陰侯禎封靖海侯各食祿一千  
五百石予世券五年良以征南將軍出平廣西左右兩

江諸州洞蠻各置司牧如內地是年詔遣大軍東戍定遼順總舟師數萬由登州轉餉盡收遼東未附之地以還自是海上警聞順輒時時往來海道總理軍務十一年以族召還卒良因結姻齊王十五年上命如齊肇造宮殿卒于青州贈江國公謚襄烈順贈海國公謚襄毅良子高署前軍都督僉事十七年嗣爵靖難兵起高守遼東數以遼東兵攻永平撓燕師建文君卒用燕間削高爵靖難後復爵守大同上北征班師至興和高櫛疾不朝召問京私役有司車牛被劾編氓江陰十七年奪

泰洪熙元年上見高名曰高往年多行無禮謫戍海南  
高卽死徙其家會赦得釋宣德十五年子昇乞嗣不許  
禎子忠嗣爵永樂初坐法失侯

吳復者合肥人也復沉鷙有識畧時左君弼起據廬州  
復語里中諸少曰此輩與驪山囚徒等耳吾等豈受其  
魚肉當與衆合聚立寨廩幾保障鄉曲必遇真主乃能  
拔跡衆皆曰然共推復爲千戶久之勢孤不能自立太  
祖起兵濠右復遂率衆來從太祖以爲前部先鋒從定  
江東授管軍總管攻鎮江追奔元平章定定至卅徒斬

之得其駿馬而還克常州陞統軍元帥與湯和協守常州明年張士誠再寇常州復將兵再擊走之其明年又再寇又再擊大敗之太祖曰復能累著捍禦功可嘉召見賞白金一錠紅繡蟒衣一襲驄馬一疋仍守常州從收劉福通安豐復爲軍鋒與常將軍先陷陣從征陳理領戰艦哨江至黃山大挫敵卒降理遂從徐達圍廬州手矛先登禽其驍將樓兒張左君弼出走荆楚平陞鎮武衛指揮同知移守沔陽明年常將軍進定襄漢安陸守將元同僉任亮最威勇有聞襄漢間復自沔陽倍道

徑趨安陸擊禽亮改安陸衛指揮同知徙守安陸是時  
衛公爲湖廣平章鎮襄陽復從平定淮漢迤北未附州  
郡數有功進階懷遠將軍陞安陸衛指揮使往往山寨  
溪洞夷蠻相傾誘進兵蕩平西達均房南連辰沅復守  
安陸十年威行襄漢天子不復南顧七年召入爲大都  
督府叅事八年巡視北平十一年從西平侯西征土番  
還封安陸侯食祿二千石世襲指揮使十四年從潁川  
侯征雲南潁川侯克普定番復守之復築新城于水西  
上因勅復爲總兵官副以平涼侯諭令剿捕群蠻復會



平涼各部其軍窮索山林擣其巢穴群蠻懾服遂開關  
索領路還接普定通糧盤江以濟大軍復在普定措糧  
三萬三千四百石又築安莊新城貯糧二千四百石又  
貯平壩倉糧萬一千石出師三載軍需無闕大軍未返  
復竟卒于水西追封黔國公謚威毅上念復征滇功未  
及叙賜券誥世安陸侯食祿二千五百石復爲人寡言  
策平居同事中語及征戰壹不自口其能臨陣愔發無  
堅不潰衝冒矢石體無完膚普定買妾楊氏年十七復  
殮慟哭已沐浴更衣自經死封貞烈淑人十八年子傑

以指揮嗣侯屢出山陝河南北平練兵從征二十八年  
與吳高有罪勅從楊文征古州建功自贖建文中率師  
援其定戰白溝河敗還謫南寧衛指揮使永樂元年子  
璟乞嗣不許正統間再乞不許弘治六年璟孫鐸援  
詔乞嗣亦不許

康茂才者蘄人也仕元爲淮西宣慰使都元帥太祖渡  
江時茂才屯戍采石與我戰不勝走常遇春殲其卒殆  
盡茂才復收散卒得三千人暨寨天寧洲我師又破之  
茂才走金陵金陵陷于我又走京口我又追及之茂才

乃與其卒三千人皆解甲降茂才免冠頓首曰前日之戰各爲其主今屢敗天數也願歸死效尺寸太祖笑曰正欲與公共除寇亂立拜秦淮翼水軍元帥使守龍灣時太祖方藉民田以佐軍興乃遷茂才爲都水營田使諭之曰比因兵亂隄防頽圯民廢耕耨特設此官命汝專掌水利今軍務實殷用度爲急理財之道莫先於農春作方興慮旱澇不時汝其分巡各處俾高無患乾旱不病澇務在蓄洩得宜仍令諸將分軍龍江等處屯田茂才屯積更克仞他將皆不及太祖下令申諭獨舉茂

才勸厲諸將友諒將窺建康太祖則令茂才佯詣友諒  
獻降茂才有老閹舊事友諒令持書往約爲內應具言  
上不足與有爲兵弱地蹙四面勦敵僕委身圜阱欲奮  
拔鱗翼倘大軍分道迤進便當納款建康可唾手得也  
友諒得書大喜問康公安在曰守江東橋問橋何如曰  
木橋友諒與約至橋所呼老康爲鐵石比友諒至見鐵石橋  
老閹還報太祖則令易橋爲鐵石比友諒至見鐵石橋  
愕然連呼老康不應遣視營中蹙馬散旗四散落落益  
大驚曰老賊給我語未畢伏兵四起友諒狼狽走得脫

禽殺將士數萬友諒由是不敢側目江東友諒滅陞副都護從大將軍下廬州招降僞漢湖南州郡改指揮使尋陞大都督府副使從平張士誠進督府同知兼太子右率府使元年大將軍出師齊魯茂才初未從行及將進定河洛上乃遣茂才往曰中原有一二要地朕思得卿一鎮壓已而馮宗異下陝州大將軍就令茂才守之是時李思齊張思道據潼關大將軍虞其來寇語茂才曰陝州三秦門戶將軍扼而守之李思齊張思道如穴中鼠耳慎毋與爭鋒蓋軍卒多虞勝負難必將軍但厲

兵積糧嚴爲守備勿令得東而已宗異乘利進攻潼關  
又拔之於是二人各西竄大將軍乃以郭子興守潼關  
上曰秦師即欲東茂才子興二人足遏禦元人聲援已  
絕吾復何憂由是大將軍得以專精北行下元都更西  
定太原下河中遂徙茂才河中勅以太原諸城兼聽節  
制河中民荷其撫綏爲茂才立石頌德三年復從大將  
軍再征漢中卒于道追封蘄國公謚武義子鐸洪武三  
年以茂才功封蘄春侯食祿千五百石予世券時鐸年  
十歲入侍皇太子讀書大本堂金鑄蘄國武義公五字

賜鐸鐸長督民懇田鳳陽征辰州獠平松疊諸州有功  
十四年從傅將軍征雲南卒于軍追封如其父之爵謚  
忠愍

耿炳文者濠人也父君用從太祖起濠爲管軍總管歿  
于陣炳文代領其軍是時張士誠已陷湖州長興據太  
湖口陸通廣德廣德又與宣歙連壤皆江東之屬郡也  
太祖念不得長興不可以斷張氏之喉咽而數郡之民  
不安乃令炳文率副將劉成取之立求興翼以炳文爲  
總兵都元帥守長興劉成爲左副元帥李景元爲副

元帥炳文得邑子溫祥卿說之引居幕下祥卿多智計  
爲炳文畫諸要害兵守禦具較遣兵間出至境上輒不  
得志去其後李伯昇兵號十萬水陸並至而是時炳文  
城中兵僅七千嬰城拒守敵結九寨爲樓車運土石填  
濠隍放火船燒水關炳文悉用祥卿策盡破其攻具敵  
兵月餘不解上遣常遇春往援之伯昇乃還走炳文與  
遇春共追擊之俘斬五千餘人上曰炳文守一孤城江  
東諸郡寔嘉賴之立陞指揮使吳元年進大都督府僉  
事仍守長興洪武元年授鎮國上將軍兼右率府副使



二年移鎮陝西三年授秦王府左相兼陝西行省右丞  
封長興侯食祿千五百石予世券十四年將關中兵從  
傅友德出破虜北黃河復還陝西二十四年賜鏹鈔造  
第鳳陽優老于家贈君用爲侯三十一年復起鎮遼東  
明年靖難兵起炳文年六旬餘矣建文君以炳文老將  
授以征虜大將軍帥師六十萬北進敗還文皇入國罷  
歸第明年左都御史陳瑛劾炳文衣服器皿僭飾龍鳳  
玉帶僭用丹鞋上曰炳文先朝老臣亦爲此其速改炳  
文大懼暴卒長子璿駙馬都尉建文君遜位去璿杜門

稱疾竟坐罪死公主亦以憂卒仲子繼後軍府都督僉  
事建文令守山海關備燕賊數勸楊文攻永平以動北  
平上嘆之亦論死

楊璟者合肥人也璟本儒家子讀書不喜章句好武畧  
是時諸雄競起所至壯士皆相率景從璟獨不肯它往  
及太祖下太平璟乃渡江來歸太祖既定江東以璟爲  
親軍副都指揮使胡大海攻婺州不克太祖自將璟等  
往下之轉院判甲辰漢平立行省武昌太祖進璟爲湖  
廣參政使守荊州湖南溪洞負固諸夷璟出方略盡散

處之收復其數縣進平章階榮祿大夫仍署荊州太祖  
既平吳北定中原行有事於四方授璟以征南將軍副  
以左丞周德興參政張彬使出湖湘定廣西先是漢將  
周文貴遁保寶慶璟兵進擊永州遣千戶王廷擊文貴  
文貴復亡走廷下寶慶璟攻永未及下全州守將阿思  
蘭度求破勢必及全馳兵救永璟命德興與彬逆擊敗  
其兵乘勝遂取全州阿思蘭出走永亦隨下連下其旁  
州邑十餘城璟乃引兵進與德興等合攻靖江靖江桂  
休第一郡也初璟出師時上使廖永忠航海定廣東諭

之曰廣東要地惟在廣州廣州下宜即分兵合環于桂林環到靖江而求忠副將朱亮祖兵自府江而入於是亦至敵恃濠水爲固環令輕兵攻殺其濠下守隄兵決其濠濠水涸因築土隄近與城連迫士卒六旬而克之於是靖江諸屬既聞其郡已下皆俱下而左右兩江太平府上官黃英衍等田州府上官岑伯顏等各遣使齎印綬詣環降矣時廣東亦已蕩平永忠引師而西平行至南寧所過城邑莫不迎附環遂自靖江還京其各復與御史大夫湯和俱爲偏將軍從大將軍定山西環兵

出澤趨潞與擴廓將韓札兒遇韓店戰失利璟大以爲  
恨及大將軍克太原亦以是得爲特緣以分敵勢上願  
大奇之會唐州軍亂大將軍檄璟還安撫遂留鎮進征  
慈利土酋覃重璟違勅戒陷師上深讓之八月命如僞  
夏諭明昇并群議不決璟還仍留書與之曰璟聞古  
之爲國者同力度德同德度義義不足不敢抗德不足  
則歸順故能保身家於兩全流名譽於亡窮福及子孫  
族姓長久反是者往往取敗今足下以幼中之資藉先  
人之業挺有巴蜀黥然在位不咨至計而聽群下之議

以爲瞿塘劔閣之險一夫負戈萬人無如之何此皆不  
達時變以誤足下何則昔之據蜀最盛莫如劉備諸葛  
孔明佐之訓練士卒財用不足取之南中然猶朝不謀  
夕僅能自保今足下疆場南不過播州北不及漢中以  
此唯彼相去萬萬而欲以一隅之地延頃刻之命可謂  
智乎若謂險阻可恃則三苗之墟不滅有扈之國不亡  
楚蠶叢魚鳧之鄉不至足下矣我主上仁聖神武遣將用  
兵天下無敵運謀出奇神明響應順附者無不加恩負  
固者然後致討以足下先人通好之故不忍加師數遣

使諭意又以足下年幼未歷事變恐惑於狂瞽之說失  
遠大之利故復遣璟面諭禍福深仁厚德所以得明氏  
者不淺足下可不深念之乎且嚮者亂雄如陳友諒張  
士誠竊據吳楚造舟塞江河積糧過江山強將勁兵自  
謂莫敵然鄱陽一戰友諒授首旋師東討張氏面縛此  
非人力實天命也足下視此以爲何如友諒之子竄歸  
江夏王師致伐勢窮出降王上有其罪德封以侯爵恩  
榮之盛天下所知足下無彼之過而能幡然覺悟獨斷  
於心自求多福則必享茅土之封保先人之祀世世不

絕豈不賢智矣哉若必欲崛強一隅假息頃刻魚游於  
沸鼎之中燕巢於危幕之上禍害將至恬不自知豫恐  
天兵一臨勢不可禦前日之臣爲足下謀者或以郡縣  
或以城降各自爲身計以取富貴當此之時老母獨不  
將安所歸乎縱足下年幼未曉時執語及老母獨不痛  
心乎禍福利害瞭然可觀逆順之途在足下審之而已  
昇不能從三年大封功臣環封營陽侯祿千五百萬予  
世券四年伐蜀功不掩過不賞五年割鄧國公平辰州  
亂繼師旋佐大將軍鎮北平尋召還十三年詔赴北平



齊兵也田兼領遼東訓練士卒十五年卒贈芮國公謚  
武信子通十七年嗣侯十九年與靖寧侯捕象廣西左  
江十萬山二十年領韃靼官軍往戍雲南多道亡降普  
定衛指揮使以達散騎舍人

薛顯者沛人也仕元守泗州馮宗異攻下維楊顯以泗  
州來降太祖使從皇姪大都督守南昌授指揮陳友諒  
寇南昌顯開新城門出戰斬漢平章一人禽副樞一人  
陞江西行省參政從討張士誠與常遇春共取湖州大  
戰吳師昇山下士誠有卷子五太子最善戰其健捷能

平地起躍高丈餘遇春與戰稍爲却顯戰獨疾力竟降之遇春迎顯勞曰今日之戰多將軍之力遇春弗如也吳平陞右丞大將軍北征太祖所褒勉不四五人而獨謂顯與參政友德勇略冠諸軍可當一面旣克元都顯與友德將兵分出偵邏古北諸隘口虜元從官喬右丞等三十四人還從定太原馮宗異克澤州賀宗哲出走過石州顯又與友德邀擊之宗哲復大敗去進拔潞州桃花寨從入關中王保保初屯寧夏聞王師至走其肅顯追擊獲保保部將一人知院三人左右從官二人馬

二千匹達師至船城遂會取平涼張良臣伴以慶陽來  
逆降達信之予顯騎五千步卒六千往納之良臣蒲伏  
道迎夜劫我師傷顯據城叛王保保爲遣韓札兒將兵  
攻原州相應援顯與友德駐兵靈州遏之韓札兒遁去  
良臣援絕遂破之是時賀宗哲亦寇鳳翔僅半月而慶  
陽下宗哲遂由六盤山遁去顯將騎卒萬人追之宗哲  
絕塞而竄師旋大賞諸將顯與友德各白金二百兩文  
幣十九表裏明年論功行封列侯畢已受封踰月始及  
顯封永成侯弗予券賜綺帛六十匹俾居海南上召諸

將諭之曰自古帝王有天下必爵賞以酬功刑罰以懲  
惡故能上下相安以致治也昔漢高祖非有功不侯所  
以重封爵也而功臣不免於誅戮侯君集有功於唐犯  
法當誅太宗欲宥之而執法者不可卒以見誅非高祖  
太宗忘功臣之勞由其恃功驕恣自冒於法耳今右丞  
薛顯始自盱眙來歸朕撫之厚而待之至推腹心以任  
之及其從朕征討皆著奇績自後破慶陽追王保保戰  
賀宗哲其勇略意氣迥出衆中可謂奇男子也朕甚嘉  
之然其性剛忍朕屢戒飭終不能悛至於妄殺胥吏殺

獸醫殺火者及殺馬軍此罪難恕而又殺天長衛千戶  
吳富此尤不可恕也富自幼從朕有功無過顯因利其  
所獲孳畜殺而奪之師還之日富妻子服衰經伺之于  
途牽馬哭罵且訴冤于朕朕欲加以極刑恐人言天下  
甫定卽殺將帥欲宥之則死者何辜今仍論功封以侯  
爵謫居海南分其祿爲三一以贍富之家一以贍所殺  
馬軍之家一以養其老母妻子庶幾功過不相掩而國  
法不廢也若顯所爲卿等宜以爲戒顯居海南踰年上  
思念之召還顯入見上顧右丞汪廣洋曰永成侯鐵券

便造與之與列侯剖符世世勿絕是年復從大將軍出征沙漠取王保保八年巡視河南城池十三年詔赴北平督兵屯田十五年練軍山西十六年從魏國公巡撫北邊二十年從宋國公出金山征納哈出還次山海關卒贈永國公謚桓襄無子爵除

論曰郭吳諸公皆以兄弟從興草昧之初並著分茅之績方諸俞廖伯仲未足以匹其烈也若蘄公之奉命誘漢營陽之留書諭蜀卒足以挫強敵懷遠人何其計料審乎永成勇略允擬穎公雖蒙譴謫終全帶礪誰謂上

少恩哉而長興竟以嫌死則丁靖難之後明主即欲包  
荒法吏吹其毛疵其及也宜

皇明史竊卷之第二十七

馬勝監廖列傳第五

東莞尹守衡著

馬勝者定遠人也初名國勝更名宗異最後名勝兄國  
用貌都雅動止舉舉而勝長軀偉面屬落慷慨生時黑  
氣滿舍若烟霧經日不散里中異之淮南亂起國用兄  
弟講讀兵書丙夜爲常暇日則拉同儕出郊野習騎射  
太祖略地至鈔山國用被儒衣入謁太祖曰若儒生耶  
心頗竒之問之曰生來何以教我國用首勸太祖定鼎  
金陵太祖悅留侍宿衛兄弟出入卧內太祖克獲陳也



先欲釋而用之與之盟也先軟血而嘔國用曰其人必  
叛叛形見矣也先果叛而爲其下所殺其子兆先復擁  
大衆據方山太祖復遣國用等破降之選降卒之驍勇  
者五百人爲宿衛獨留國用一人侍卧榻旁五百人環  
榻而寢太祖解甲鼾睡自如五百人皆感服太祖卽以  
爲國用將之其月進攻金陵國用遂以五百人先登太  
祖爲其國公國用爲帳前總制親軍都指揮使亡何卒  
太祖令勝鬬兄職仍典親軍從破陳友諒龍灣從擣安  
慶收江州轉都護從收安豐擊金斗陞同知樞密院從

徐將軍入淮徐將軍還救宜興留勝圍高郵高郵人誑  
勝佯約降誘殺吾將士太祖聞之深責讓勝勝耻爲所  
賣督將士竟克之戮其守將從圍姑蘇未下召還治五  
軍府吳平陞右都督吳元年以參將從大將軍東平齊  
魯與常將軍分爲左右翼太祖卽皇帝位兼太子右詹  
事尋坐小法奪一官爲都督同知大將軍北定中原從  
入汴引兵下陝州拔潼關先登乘利取華州上幸汴梁  
還謁授征虜右副將軍留守汴大將軍旣克元都承詔  
以右副將軍從大將軍西定晉寧由汴渡河克武陟下

懷慶踰太行克梳子城破其關而澤潞猗氏平陽絳數  
州地盡下之御史大夫湯和平章楊璟南平閩廣師還  
上各授以偏將軍詔和居勝下璟居和下勝居常遇春  
下俱從大將軍入陝降李思齊臨洮擊張良臣慶陽張  
良臣既降而復叛破斬之王保保軍陷涇州擊走之關  
中州郡悉平上初以大將軍賊胡未還故閩廣功未定  
賞以待大將軍及大將軍既定關中上乃勅諭大將軍  
與偏將軍和等先還京留右副將軍掌總兵印節制諸  
鎮軍馬於是達與和班師還京達還五十餘日而勝亦

至上詰之曰將軍在平涼外禦胡虜內鎮撫關中國家  
所托非輕也乃不俟命輒引衆還關外之事誰任勝頓  
首請罪上以其功高弗忍下吏至定當顯列其事金幣  
不能當大將軍半尋復爲右都督再以征虜右副將軍  
同大將軍出西安大破王保保定西古城凱旋論功授  
開國輔運推誠宣力武臣特進榮祿大夫右柱國同參  
軍國事封宋國公食祿三千石賜券予誥以勝兄弟親  
同骨肉痛切肢體所以眷念甚至賜文綺及帛八十疋  
追封國用郢國公四年出鎮陝西五年以征西將軍由

西路出今蘭耳其肅時中路大將軍失利東路左副將  
軍文忠失得僅相當獨勝以捷聞而有言其匿私虜豪  
馳馬者賞不行自是連以將軍印出西北邊練兵備虜  
十年後鎮河南冊其女爲周王繡妃二十年以征虜大  
將軍總兵二十萬征納哈出納哈出棄金山而走追至  
一禿河降之鄭國公常茂驚潰虜衆械還京茂勝之壻  
也勝每衆軍中折辱茂茂不能堪語不遜勝啣之以是  
歸各茂欲自解茂還訐勝自掠胡馬使鬪者行酒于納  
哈出妻求大珠異寶又胡王死才二日強娶其女失喪

然降附心上怒命收其總兵官印召還居鳳陽奉朝請  
諸將士亦無封賞者勝自是不復將大兵然時亦奉勅  
往西北邊訓練軍馬皇太孫立加太子太師二十八年  
以宿過不食卒贈卹不及諸元勲諸子皆不得封而國  
用之子誠積戰功雲南累官至中軍都督府左都督勝  
子諒與家奴謀殺人上以功臣子特免死

論曰馮國用不死其岐陽伯仲乎勝爲偏將軍勇悍善  
戰及爲大將軍而其中不能無欲且又時時見驚桀焉  
能免乎雖然勝功大罪不能相掩謫廢可也嫌死不可

也不王可也不侯不可也

傳友德者宿州人也初從山東大盜李喜之剽入蜀喜之敗歸明王珍王珍不能用還走武昌從陳友諒友諒使與丁普郎守小孤太祖下江州友德遂與丁普郎迎降從戰鄱陽丁普郎戰死友德亦受數創而殺敵益以百數太祖視師武昌欲得城東山俯瞰城中問諸將誰能奪此山者友德請行率百人一鼓奪之敵矢傳面加勦不爲尼太祖壯之時擢雄武衛指揮使從徐將軍徇湖南還從常將軍取

陸被九創友德驍勇敢戰不避

鋒鏑守彭城元擴廓左丞李武盛兵次陵子號數萬欲  
攻彭城而友德城中兵止二千友德倖爲堅壁矚元兵  
野略私引伏兵渡呂梁襲斬其將韓瑩因設伏并禽貳  
太祖聞捷甚喜進江淮行省參政及將用兵中原太祖  
臨誓諸將士顧獨褒勅友德曰昔漢高祖與項羽爭衡  
彭越宣力山東今用師自山東始汝當努力友德自將  
五百騎從征大將軍之下山東元丞相也速萬騎至青  
州友德五百騎前拒大將軍乘後大敗也速遡河而西  
復以偏師進定河南諸山寨克元都出偵古北諸隘口



王保保萬騎來襲北平大將軍趨太原王保保未至還  
救友德與右丞薛顯輕騎突擊敗其衆追奔至土門關  
從定關中三年復從大將軍擣定西大破王保保收其  
士馬輜重移兵侵蜀友德爲前鋒指揮金興旺爲裨將  
友德繇秦州出一百八渡奪略陽關入沔興旺繇鳳翔  
入連雲棧取漢中蜀將吳友仁攻興旺謀復漢中兵號  
三萬友德獨將三千騎夜襲木槽關奪斗山人持十炬  
列山上友仁見之宵跳去友德數遇敵輒以少擊衆而  
所向常勝是冬遷封穎川侯四年以征虜前將軍同中

山侯分道伐蜀上諭友德曰蜀人聞吾西伐必悉其糧  
銳東守瞿塘北阻金牛以拒我師我若出其不意直擣  
階文門戶旣襲則腹心自潰兵貴神速但惠卿等不勇  
耳友德受命至陝佯言出金牛覘知階文守備弱即引  
兵趨陳倉草山晝夜兼行數百里不十日連拔階文綿  
三州至漢江則爲木牌千投漢流露布湯將軍而下流  
守將見之解體矣是時蜀軍精銳者果皆拒守瞿塘夏  
相戴壽語太尉吳友仁曰漢州失則成都危矣急分瞿  
塘之衆還援未及至而友德兵已逼漢州大破其城下

向大亨兵壽等兵聞敗皆內恐友德乘利往迎之又大敗之遂拔漢州壽大亨退走成都友仁走古城友德進圍成都中流矢時永忠已破夔州入重慶壽大亨遂以成都降蜀平上以友德永忠功最別爲文旌厲焉五年以左副將軍副宋國公出金蘭取其肅是時師出三道獨友德斬獲功多而以主將勝坐小法不被賞六年從大將軍出鴈門巡視西北長城友德爲前鋒追獲故元平章鄧宇羅帖木兒等還軍填北平尋召還扈太子諸王講武荆山下與諸徹侯俱增歲祿千石九年同中

山侯備邊延安十四年副大將軍出討元太尉乃兒不  
花至北黃河夜覆其灰山寨其秋以征南將軍偕永昌  
侯玉西平侯英討雲南上餞之龍江授以進師之策友  
德前伐蜀一如上教成功於是至湖廣則先遣都督胡  
海將兵五萬出永寧向烏撒大軍由辰沅趨貴州軍至  
普定普安皆下之梁王聞之遣司徒達里麻將兵十萬  
屯禦曲靖友德亟趣諸軍兼程夜進蒙大霧往至白石  
江已見敵軍簇擁江上友德佯欲濟密使精騎數百下  
流潛渡出敵後敵軍見之大亂急還自救友德得以一

意督諸軍盡濟大破敵軍遂入曲靖友德自循格孤山而南以合永寧軍而遣左右兩將軍下雲南友德至克烏撒則築城守之取七星關通畢節克可渡河盡降東川烏蒙芒部諸蠻北掃金馬碧雞梁王走死滇池於是大理宣慰使段世上書軍門乞倣唐宋故事願頒降雲南王印一顆大統曆一本律令一部比年小貢三年大貢友德捷其使遣之督軍並進俘世而歸承制置宣慰司七宣撫司三安撫長官司十俾世其土以撫諸夷滇南地悉平上前後下璽書友德等凡數十皆懸斷萬里

外委曲中款友德等所以奉行不敢爽十七年還京上  
所以宴勞有加進封賴國公食祿三千石予世券其後  
諸蠻間叛復掛征南將軍印討平之二十年以征虜左  
副將軍同宋國公北襲虜將納哈出於金山降其衆勝  
以譴召歸留撫降虜尋亦召還令率辰沅貴州諸衛軍  
討平廣西韃靼反者二十三年以征虜將軍扈從燕王  
出沙漠至迤都二十四年復出東塞追討故元遼王阿  
札失里深入洮兒河過黑松林之北抵熊皮山野人之  
居二十五年皇太孫立兼太子太師副宋國公山西河

南練兵屯田二十六年復與宋公北平備邊是年藍王以逆誅友德與宋公相繼暴卒國除子忠尚壽春公主爲駙馬都尉讓金吾所鎮撫

論曰當時持重善將將無如中山王至喑鳴跳盪獨開平王而友德差次之稱二虎將開平死大封之後友德始益展而有方面勲取巴蜀定滇笮其曄曄蓋庶幾中山矣後友德公者爲涼公藍王其戰功亞友德至上寵任之友德弗如也友德晚年嘗請懷遠官地爲田圃上曰爾不聞公儀休事耶弗許竊謂蕭文終嘗用之

賈貸民田自汗友德豈其遺意耶

藍王者定遠人也長身赭面姊歸開平王玉因隸開平王帳下每戰先登陷陣上亦以開平王故特寵擢歷官都督僉事四年從潁川侯伐蜀五年從大將軍出征王保保六年從大將軍練兵北平上聞其醢酒諄肆勅大將軍省諭七年出敗虜興和十二年從西平侯征西番還封永昌侯十四年副潁川侯平雲南增祿五百石二十年以征虜右副將軍同宋國公襲金山降納哈出上以勝師不律遂即軍中拜征虜大將軍代宋國公已得



降胡脫脫言故元丞相哈喇章等在和林請于上乞進  
兵上遣延安侯勝宗武定侯英定遠侯弼南雄侯鏞東  
川侯海六將軍從王徃討時虜王脫古思帖木兒在捕  
魚兒海兼程進去海四十里而軍不見虜王欲班師弼  
曰將軍奉主上威德提二十萬衆深入虜地勞費甚而  
不見虜王還將何所藉乎見王上乎前旌一麾孰難再  
返不如前進以需後利王然之戒軍穴地而襲毋令虜  
見煙火乘夜疾抵海乃知虜王營在海東北八十里亟  
薄之大風揚沙盡晦虜不知我師猝至則大驚太尉鑾

子猝逆戰王斬之虜王急與太子天保奴從十餘騎跳  
身遁王追之不及獲其太子地保奴及故太子必里禿  
妃及公主等百二十三人宗王二人將相官校八蘭等  
二千九百九十四人男女七萬七千餘口寶璽圖書一  
百四十九金印一銀印三馬駝牛羊十五萬二千四百  
有奇車二千輛復破降其太師哈刺章獲將士萬五千  
八百人馬駝四萬八千餘疋捷聞上大悅特勅勞之擬  
封王爲梁國公有發王私元主妃上大怒曰王無禮乃  
爾何所稱大將軍爲詰責王王頓首謝死上嘆惜良久

曰朕今憫爾功勞屈法宥爾爾其率德改行以慎厥終  
於是改封涼國公鑄過于券二十三年以平定番寇散  
毛蠻功增祿五百石二十四年與魏國公輝祖曹國公  
景隆率諸將桑敬馬鑑等往陝西防邊至蘭州以墜  
馬傷賜手詔慰勞召還賜米千五百石明年復出蘭州  
率諸衛將士追捕逃寇祁者孫弗及因遂深入罕東至  
阿真州番酋皆散遁而會蜀故降將月魯帖木兒及承  
詔移師討之至則四川都指揮使瞿能已大破其衆月  
魯帖木兒走柏興土以計誘縛其父子送京師斬之而

璽降其餘黨王故恃上寵功高自溢蔽膝床帷皆飾  
龍鑄金爵爲飲器馬坊皆九五庄奴假子數千人奪  
臣民詣御史訴王怒捶逐御史北征還過喜關關  
夜不即納王王毀關入上聞之不樂胡陳之黨王嘗預  
上念開平王親宥不問上定東宮官屬王兼太子太傅  
意不樂居宋穎二公下詔曰我乃不堪太師耶間有奏  
請上不盡聽大恚曰上疑我矣遂密召故部曲軍士并  
家奴佞甲爲變衛士蔣職上告逮王欲上集群臣廷訊  
王不肯佞吏部尚書詹徽叱王吐實無徒株連人王大

呼曰微即吾黨遂并誅微連詩人孫蕡蕡別見文苑翰  
林典籍有才名臨刑口占詩曰鼉鼓三聲急西山日又  
斜黃泉無客舍今夜宿誰家上問監殺指揮蕡死何言  
以詩對上怒曰蕡有是詩不覆奏而竟殺之耶并殺監  
殺者是歲九月詔曰藍賊爲亂謀泄族誅者已萬五千  
人自今胡藍二黨悉赦勿問初王之出討越雋也與部  
將十餘人陞辭上方留玉與議呼諸將去三呼無應者  
玉舉袖一麾諸將盡起上惡之故連坐者皆多從征將  
士

論曰世傳藍玉初欲結知燕王北征還至北平獻玉名馬王不受玉慙謝歸見太子太子妃開平王女也因說太子曰殿下試觀皇上於諸子中最愛者爲誰太子曰鳴鳩之愛焉有軒輊玉頓首曰臣望燕王英武得人心威名日盛皇上所鍾愛又聞術者言燕地有天子氣臣幸托肺腑願殿下自愛嗟夫幸太子友孝不入其間耳不然建成之難當先自玉發之或言玉之誅徹侯功臣文武大吏以至偏裨將卒坐黨死者可二萬人宋穎用材武且名位極雖不入蜚語亦皆不良死又四年而上

三日月  
崩燕師稱靖難宿將皆盡無與抗者嗟夫王不死王亦  
焉能爲太子子死哉

廖永忠若巢人也父旺子五人永清永寧永堅永安永  
忠旺扈太祖渡江不仕永清以子昇贈指揮僉事永寧  
早卒永堅仕陳友諒爲參政來歸亦卒永安永忠皆從  
旺事太祖時永忠年尚少太祖曰汝亦欲圖富貴乎以  
水將屬永安永忠副之從定江東永安以功陞至僉院  
從徐將軍拔宜興深入太湖爲吳將呂珍所獲降之不  
可囚之太祖以永安之能不屈於吳也遥授江淮行省

平章封楚國公令永忠嗣兄職總其軍永安竟卒兵囚  
贈卽國公謚武懿陳友諒之犯龍江永忠與張德勝依  
關外還合擊大敗友諒復太平遷同知樞密院事從戰  
鄱陽上還賞諸將而賜田者三四人永忠與焉平遷  
湖廣左丞從徐將軍定兩淮下姑蘇遷平章吳元年以  
征南副將軍率舟師往會湯將軍明州降方國珍遂從  
明州航海下福州入延平執元平章陳友定湯將軍還  
明州永忠承詔特總征南之師由海道取廣東是時江  
西行省左丞何真保有廣東永忠先自福州移書諭真



其卽奉書迎降永忠師至廣州市不易驛馳檄往諭九  
真日南朱崖儋耳三十餘城皆下之遂遣副將軍朱亮  
祖會楊璟定桂林永忠率諸將而西通行至南寧平百  
粵乃班師上命太子率百官迎勞龍灣永忠貌不逾人  
而性識豁達撫綏初附甚得其歡粵人德之三年論功  
封德慶侯予世券明年副湯將軍伐蜀克歸州次師大  
溪口未進前將軍旣克階文上乃下詔切責湯將軍永  
忠聞詔直帥部兵獨進至瞿塘關蜀人以鐵索飛橋橫  
攔瞿塘關口永忠度不可攻令將士人持糗糧腰水筒

衣青襪衣舁小舟度縣崖間道出關上流自率精兵出  
黑葉渡夜五鼓進破其陸寨遂望水寨前攻蜀殊死拒  
我俄而舁舟復自上流揚旗鼓譟至始大駭我軍火具  
俱發風迅火烈索斷橋燼斬首千級遂入夔州數日湯  
將軍始以步騎至夔永忠復從舟師約會湯將軍重慶  
永忠前至明昇遣使迎降辭不受以待湯將軍數日湯  
將軍至乃會湯將軍受明昇降凡定七路府八元帥府  
二十五宣慰宣撫司三十七州六十七縣凱旋上褒賞  
一如穎國公而征西將軍不與焉八年坐奢僭僂死秘

莫得聞上尋悔加賻塋子權娶湯將軍女爲散騎舍人  
九年從宋國公練兵西安十一年從御史大夫丁玉征  
松疊十三年嗣爵十四年從傅將軍征雲南十五年領  
兵守畢節移守瀘州十六年召還十七年卒國除

論曰永忠以少年跳盪之氣身先六舸游戲於鯨波百  
萬之中洵哉一奇男子也及至義旗西指劍閣中夷素  
車曰馬之使稽首轅門獨歛前矛以需主帥何行師之  
有禮哉夫何帶礪未寒遂不免於走狗良弓之憾悲夫